kita tidak memihak ke mana-mana tetapi untuk mencari kebenaran maka semolek-moleknya diadakan munāzarah atau muzakarah. Sebelum majlis itu dilaksanakan diadakan syarat-syaratnya semoga dengan itu hilang yang keruh dan terbitlah yang jernih. Tuan punya "Qalam" telah menyanggupi akan meminta pihak ahli al-salaf al-ṣālih mengadakan orang-orangnya jika Majlis Raja-raja Melayu berfikir perlu keadilan didirikan dengan mendengar dari kedua-dua pihak kemudian memberi kata muktamad. Kalau ini tidak diadakan terus sahaja dihukumkan, maka orang boleh menuduh bahawa kekuasaan yang ada di tangan Raja-raja digunakan tidak sewajarnya dan keadilan tidak diberi. Majlis Raja-Raja Melayu, menurut pendapat kita, wajib berdiri sama tengah di dalam hal serupa ini supaya kuasa raja terhadap agama tidak diletakkan pada tempatnya.

* * *

Islam Di Indonesia Dalam Bahaya

Sedikit masa dahulu Presiden Sukarno
dengan tegas menyatakan bahawa ia tidak mahu mengubah
Pancasila. Ia tidak mau bercorak merah (?) dan
tidak mau pula bercorak hijau-ertinya ia tidak
mahu negara Islam.

Kemudian, suatu berita yang lebih dahsyat telah disampaikan ke pengetahuan kita, bahawa dalam hari raya dahulu di Jakarta sebuah panitia telah dibentuk seperti biasa kerana mengadakan sembahyang hari raya di padang, dengan bersusah payah panitia itu telah membuat mimbar dan merentang tali serta meletakkan pelaung suara untuk orang bersembahyang. Tahu-tahu esok paginya apa yang dibuat mereka telah dikacau - mimbar dipusingkan, begitu juga tali yang dirintangkan itu telah diubah dan dikisar sebegitu rupa.

Pagi-pagi itu orang datang berduyun-duyun tetapi alangkah hampanya panitia melihat apa yang terjadi dan terutamanya apabila mengetahui bahawa pelaung suara pula dikacau dan dirosakkan. Orang sembahyang di situ telah diejek oleh suatu kumpulan yang tertentu. Akhirnya panitia mengadakan protes tetapi malangnya bukannya orang-orang yang mengacau ditangkap tetapi orang-orang yang jadi panitia pula ditahan.

Dalam radio-radio Jakarta telah diumumkan bahawa beberapa ayat Al-Quran tidak boleh dibacakan lagi di khutbah-khutbah Jumaat.

Dengan apa yang tersebut ini terang sudah bahawa belum lagi Sukarno dengan komunis berkuasa, kebebasan agama telah dikacau. Hal ini patut menjadi perhatian kita di Malaya kerana harus pada suatu masa kita tidak lagi dilanggar oleh komunis dari China tetapi kita harus dilanggar oleh komunis dari Indonesia yang telah bertapak dengan tapaknya dibina bersama oleh pemimpin-pemimpin Nahdatul Ulama Indonesia yang lebih senang mendapat kerusi daripada berjihad untuk jalan Tuhan.

* *

Melihat kepada keadaan-keadaan yang tersebut hendaknya menjadi pengajaran kepada kerajaan persekutuan di Tanah Melayu. Tidak ada ertinya kita hanya berkata sahaja untuk mengatakan bencikan komunis kalau tidak mahu bekerja dengan kuat menanam jiwa beragama kepada pemuda-pemuda, kerana hanya dengan agama itulah sahaja orang-orang akan terjauh daripada bahaya itu. Lihat sendiri sekarang pemuda-pemuda telah menjauhkan diri daripada agamanya dengan berdikit-dikit.

Bahaya ini harus dibendung sebab nanti harus akan terjadi sesuatu yang tidak digemari kerana harus

Bersambung ke muka 8

tidak tepat lagi, demikian juga tali-tali pagarnya.

Manusia yang beribu-ribu itu telah duduk bersaf-saf mengikut
bentuk tali dan arah kiblat yang telah ada, maka terjadilah
keributan untuk membetulkan semula.

Setelah itu ketika khatib membaca khutbah, gangguan pada mikrofon telah pula terjadi sehingga orang-orang di bahagian belakang telah menjerit-jerit mengatakan tidak kedengaran. Dalam hiruk-pikuk itu tiba-tiba datang satu kumpulan manusia merempuh mimbar khatib, sehingga pegawai keamanan terpaksa ikut campur. Tetapi yang lucunya bukan orang-orang yang mengacau itu yang ditangkap melainkan anggota-anggota panitianya.

Demikian satu peristiwa yang sangat memanaskan hati kaum Muslimin dan menjadi satu gambaran yang nyata bagaimana kalau di tempat itu ada manusia-manusia yang anti tuhan, yang sudah tentu menjadi pengikut atau suruhan kaum komunis.

(Sambungan dari muka 5)

kelak anak-anak kita itu dibawa oleh arus lain.

Kerana itu ulama-ulama hendaklah bangkit dan bangun bekerja menghidupkan jiwa tauhid dengan suatu cara yang membina dan tertanam ke dalam jiwa pemuda-pemuda. Dengan inilah sahaja usaha itu akan dapat dijalankan dan dapat menjauhkan kita daripada yang demikian.

Berilah usaha-usaha ini kepada mereka yang berkebolehan dan kerajaan perlu menganjurkan orang-orang yang berkebolehan dalam perkara ini untuk menjalankan kerja-kerjanya itu selain daripada usaha-usaha yang dijalankan masa sekarang.

Semoga perkembangan komunis di Indonesia itu menjadi perhatian bersama dan dikaji bagi membendung supaya jangan pemuda-pemuda kita dipengaruhi atau terikut-ikut oleh faham komunis.

mustahil ada di antara mereka itu yang ganas mulutnya akan menuduh orang-orang yang berijtihad itu "murtad" kerana berani membuat hukum dan beramal dengannya serta menganggapnya hukum syarak. Berlindunglah kita kepada Allah daripada keganasan mulut orang yang akalnya tergamak menuduh berjuta-juta umat Islam yang berijtihad dan mengakui akan kemaksuman seorang dua atau lebih daripada ahli-ahli ijtihad yang tertentu.

Di dalam kitab "Kashāf Işṭilāhāt
Al-Fanūn" ada tersebut: adapun "ijtihad" itu
menurut istilah ahli-ahli uşul al-fiqah ialah
perbuatan seorang ahli fikah yang mencurahkan segala
daya upayanya bagi mendapatkan suatu zan
(sangkaan) bagi hukum syarak. Ahli fikah yang berbuat
demikian itu dinamakan "mujtahid".

Seterusnya kitab tersebut menghuraikan syarat-syarat orang mujtahid katanya: bagi orang mujtahid itu dua syarat:

Pertama: mengenal Tuhan Azza Wa Jalla dan sifat-sifat-Nya, membenarkan Rasulullah (S.A.W) dan segala mujizat-Nya, termasuk semua perkara yang di atasnya bergantung ilmu iman. Kesemuanya itu hendaklah diketahui dengan dalil ajmālī kalau ia tidak dapat menjalankan.

Taḥqīq dan tafṣīl iaitu menurut sebagaimana kelaziman orang-orang yang dalam dan luas pengetahuan mereka di dalam "'ilm al-Qalām" ('ilm 'aqā'id).

Kedua: Hendaklah ia seorang yang faham akan punca-punca ambilan hukum dan cawangan-cawangannya, mengetahui jalan-jalan menetapkannya, mengetahui wajah-wajah dan segi tujuannya, mengetahui huraian syarat-syaratnya dan tertib susunannya, mengetahui wajah-wajah tarjīḥnya apakala hukum-hukum bertelingkahan, dan pandai mengelak dan menolak sebarang i'tirāḍ yang didatangkan atas hukum-hukum syarak, dengan itu maka seseorang yang hendak menjadi "mujtahid" perlulah baginya mengetahui hal ehwal rawi-rawi hadis, dan jalan-jalan cacat cela dan betul benar rawi-rawi itu, mengetahui pecahan-pecahan nas yang berkait dengan hukum-hukum, dan mengetahui segala jenis ilmu persuratan seperti ilmu karang mengarang, saraf, nahu dan sebagainya.

menjauhkan politik dari soal masyarakat.

Perjuangan Youth Council tidaklah mengandungi politik ia hanya berjalan mengikut dan mengenai soal-soal
masyarakat sahaja.

Sardon Jubir menyatakan bahawa supaya pemuda-pemuda

Dahulu Sardon Jubir mendesak pemuda-pemuda Umno supaya bergabung dengan Youth League dan kerana itu pemuda-pemuda Umno pun bersatu dengan Youth League sedang pemuda Umno adalah suatu tubuh yang banyak mengambil bahagian dalam politik. Oleh yang demikian orang harus akan bertanya kepada Sardon, mengapa pemuda Umno masuk Youth League? Jawabnya: tentu akan ada sahaja, bung!

* * *

Kata orang: di Indonesia tidak ada kemerdekaan persuratkhabaran. Kalau ditinjau lebih dalam lagi tentang hal ini maka memang benarlah demikian. Pengarang dan surat khabarnya sentiasa diancam oleh hukuman. Setiap waktu, kalau sedikit sahaja terjadi kesilapan maka pengarangnya dapat diseret ke dalam tahanan ataupun surat khabarnya ditutup. Biarpun demikian di Indonesia pulalah yang paling banyak surat khabar-surat khabarnya "good" _ karangan dan berita yang tersiar di dalamnya penuh dengan "hasutan dan fitnah" - sebahagian besar daripada sebab musabab kekacauan yang terjadi sekarang ini dapat dikatakan berpunca dari "siaran surat khabar-surat khabar good inilah". Hal ini diinsafi benar-benar oleh wartawan-wartawan yang bertanggungjawab. Dalam satu "panel - discussion" tentang persuratkhabaran yang baru-baru ini diadakan di Jakarta, para wartawan yang menyambut perasaran dari enam orang pembicara tentang tajuk "Apa Kekurangan Surat Khabar Kita" umumnya mengakui adanya gejala-gejala tidak sihat dalam surat khabar pada waktu ini, tetapi ini dapat dimengerti kata mereka, kerana surat khabar merupakan cermin dari

keadaan masyarakat. Kerana masyarakat Indonesia, termasuk pemimpin-pemimpinnya dan pemerintahannya kini tidak berada dalam keadaan sihat, automatis surat khabar juga tidak sihat.

* *

Seorang Indonesia yang dulunya pernah menjadi kakitangan dari satu jabatan Indonesia yang tertentu di Singapura ini untuk mencari jejak orang yang membikin wang Rupiah palsu, ketika dia sampai kembali di Indonesia dia telah ditangkap dan dituduh sebagai orang yang membuat wang palsu.

Sebelum dia ditangkap, dia mempunyai dua orang isteri. Tetapi kerana bertahun-tahun dalam penjara maka salah seorang isterinya itu telah meminta fasakh. Dia masuk dalam penjara tidak kerana putusan hakim, sebab perkaranya tak pernah dibawa ke mahkamah. Setelah beberapa tahun dia dalam penjara itu, maka pada suatu hari datanglah seorang pegawai tinggi ke penjara tempat dia ditahan itu. Pegawai itu memanggil semua orang hukumannya lalu bertanya: "Siapakah di antara saudara-saudara yang paling lama dalam penjara ini?"

Orang Indonesia yang beristeri dua itu mengangkat tangan. Memang dialah yang paling lama sekali. Kata pegawai itu: "Ya, saudara boleh keluar." Maka dia pun keluar dan kembali ke Singapura. Sampai di sini alangkah lagi sedih hatinya, kerana salah seorang isterinya sudah minta fasakh. Dia merasa rugi dengan kejadian ini, lalu mencari jalan untuk menuntut kerugian daripada pemerintah Indonesia bukan kerana dia di penjara tidak bersebab tetapi kerana dia kehilangan seorang isteri. Benar atau tidak cerita ini WaLlāhu A'lam.

* * *